

**REGLUGERÐ FRAMKVÆMDASTJÓRNARINNAR
(ESB) 2021/1925****2022/EES/34/14****frá 5. nóvember 2021****um breytingu á tilteknum viðaukum við reglugerð (ESB) nr. 142/2011 að því er varðar kröfur um setningu tiltekinna skordýra+aafurða á markað og aðlögun afmörkunaraðferðar (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1069/2009 frá 21. október 2009 um heilbrigðisreglur að því er varðar aukaafurðir úr dýrum og afleiddar afurðir sem ekki eru ætlaðar til manneldis og um niðurfellingu á reglugerð (EB) nr. 1774/2002 ⁽¹⁾, einkum 15. gr. (b-, h-, i- og j-liður fyrstu undirgreinar 1. mgr.), 21. gr. (d-liður fyrstu undirgreinar 6. mgr.) 27. gr. (c-liður fyrstu undirgreinar). 31. gr. (2. mgr.) og 32. gr. (a-liður fyrstu undirgreinar 3. mgr.),

og að teknu tilliti til eftirfarandi:

- 1) Í reglugerð framkvæmdastjórnarinnar (ESB) nr. 142/2011 ⁽²⁾ er mælt fyrir um reglur um heilbrigði dýra og manna er varða setningu afleiddra afurða á markað og útflutning þeirra.
- 2) Hröð þróun skordýraframléiðslugeirans hefur leitt af sér talsvert magn af skordýraskít (e. *insect excrement*) sem er fargað á mismunandi hátt í hverju aðildarríki þar eð skortur er á samræmdum reglum í Sambandinu. Til að tryggja nýtingu skordýraskíts sem áburðar er nauðsynlegt að mæla fyrir um reglur í Sambandinu.
- 3) Að því er varðar reglugerð (ESB) nr. 142/2011 ætti að skilgreina „skordýrasaur“ (e. *frass*) sem blöndu af skordýraskít með hlutum af dauðum skordýrum og æti til fóðrunar. Skordýralirfur, sem eru almennt notaðar til framleiðslu á unnu dýrapróútíni eða til manneldis, lifa í skordýrasaurnum. Bæta ætti skilgreiningu á „skordýrasaur“ við í I. viðauka við reglugerð (ESB) nr. 142/2011 til að aðlaga kröfunar varðandi meðhöndlun og setningu skordýrasaurs á markað að kröfunum fyrir unninn húsdýraáburð. Því ætti að breyta I. viðauka við reglugerð (ESB) nr. 142/2011 til samræmis við það.
- 4) Tímanleg söfnun á stökum skrokkum alidýra, sem eru ekki jörturdýr, er ekki alltaf efnahagslega gerleg, einkum að því er varðar skrokka sem er safnað frá litlum býlum. Þess vegna er kveðið á um afmörkunaraðferðir í V. kafla IX. viðauka við reglugerð (ESB) nr. 142/2011 til að tryggja örugga geymslu tiltekinna dauðra alidýra, sem eru ekki jörturdýr, fram að söfnun. Afmörkunaraðferðin „vatnsrof og förgun í kjölfarið“ nær sem stendur eingöngu yfir skrokka af svínum. Rétt þykir að rýmka notkun þessarar afmörkunaraðferðar þannig að hún nái einnig yfir skrokka af alifuglum og öldum nörturum. Því ætti að breyta 2. lið í þætti 2.B í V. kafla IX. viðauka við reglugerð (ESB) nr. 142/2011 til samræmis við það.
- 5) Í samræmi við samninginn um útgöngu Sameinaða konungsríkisins Stóra-Bretlands og Norður-Írlands úr Evrópusambandinu og Kjarnorkubandalagi Evrópu („útgöngusamningurinn“), einkum 4. mgr. 5. gr. bókunarinnar um Írland/Norður-Írland í tengslum við 2. viðauka við þá bókun, gildir reglugerð (EB) nr. 1069/2009, sem og gerðir framkvæmdastjórnarinnar sem byggjast á henni, um og í Breska konungsríkinu að því er varðar Norður-Írland eftir lok aðlögunartímabilsins sem kveðið er á um í útgöngusamningnum.

(*) Þessi ESB-gerð birtist í Stjtíð. ESB L 393, 8.11.2021, bls. 4. Hennar var getið í ákvörðun sameiginlegu EES-nefndarinnar nr. 93/2022 frá 29. apríl 2022 um breytingu á I. viðauka (Heilbrigði dýra og plantna) við EES-samninginn (bíður birtingar).

⁽¹⁾ Stjtíð. ESB L 300, 14.11.2009, bls. 1.

⁽²⁾ Reglugerð framkvæmdastjórnarinnar (ESB) nr. 142/2011 frá 25. febrúar 2011 um framkvæmd reglugerðar Evrópuþingsins og ráðsins (EB) nr. 1069/2009 um heilbrigðisreglur, að því er varðar aukaafurðir úr dýrum og afleiddar afurðir sem ekki eru ætlaðar til manneldis, og um framkvæmd tilskipunar ráðsins 97/78/EB að því er varðar tiltekin sýni og hluti sem eru undanþegin heilbrigðisefirliti með dýrum og dýraafurðum á landamærum samkvæmt þeirri tilskipun (Stjtíð. ESB L 54, 26.2.2011, bls. 1).

- 6) Þar eð umbreytingartímabilinu, sem kveðið er á um í útgöngusamningnum, lauk 31. desember 2020 ætti að breyta 1. lið í þætti 2.B í V. kafla IX. viðauka við reglugerð (ESB) nr. 142/2011 til að skipta tilvísuninni til Breska konungsríkisins í skránni yfir aðildarríkin sem hafa leyfi til að beita afmörkunaraðferðinni út fyrir tilvísun til Breska konungsríkisins að því er varðar Norður-Írland. Enn fremur ætti að fella brott tilvísanirnar til Breska konungsríkisins í þætti 2.A í V. kafla IX. viðauka við reglugerð (ESB) nr. 142/2011 og í töflu 3 í 11. þætti II. kafla XIV. viðauka við þá reglugerð.
- 7) Hinn 8. október 2015 birti Matvælaöryggisstofnun Evrópu (hér á eftir nefnd Matvælaöryggisstofnunin) vísindalegt álit varðandi áhættulýsingu í tengslum við framleiðslu og neyslu á skordýrum sem matvæli og fóður ⁽³⁾. Matvælaöryggisstofnunin lagði mat á nokkrar skordýrategundir, m.a. silkiorma, og mat þá sem hugsanlega uppsprettu fyrir framleiðslu á unnu dýrapróttíni. Á tilteknum svæðum Sambandsins er löng hefð fyrir silkirækt. Þar eð aldir silkiormar éta einungis mórberjalauf (*Morus alba* og *Morus nigra*) er engin áhætta á mengun af völdum fóðurs úr dýraríkinu sem er ekki leyft til fóðrunar á skordýrum. Af þessum sökum ætti að leyfa þá til vinnslu í unnið dýrapróttín, sem er ætlað til framleiðslu á fóðri fyrir alidýr, eftir að silkið hefur verið tekið. Rétt þykir að bæta silkiormum (*Bombyx mori*) á skrána yfir leyfðar skordýrategundir til framleiðslu á unnu dýrapróttíni sem er ætlað til framleiðslu á fóðri fyrir alidýr. Því ætti að breyta X. viðauka við reglugerð (ESB) nr. 142/2011 til samræmis við það.
- 8) Í XI. viðauka við reglugerð (ESB) nr. 142/2011 eru settar fram kröfur varðandi setningu húsdýraáburðar á markað. Eftir að skilgreiningin á „skordýrasaur“ hefur verið færð inn í I. viðauka við þá reglugerð ættu kröfurnar varðandi setningu unnins skordýrasaurs á markað að tryggja örugg viðskipti með unninn skordýrasaur. Þess vegna ættu kröfurnar sem mælt er fyrir um í þeim viðauka einnig að ná yfir skordýrasaur. Því ætti að breyta XI. viðauka við reglugerð (ESB) nr. 142/2011 til samræmis við það.
- 9) Þau aðildarríki sem beita sem stendur landsráðstöfunum við vinnslu á skordýrasaur ættu að laga landsráðstafanirnar sínar að aðferðinni sem mælt er fyrir um í XI. viðauka við reglugerð (ESB) nr. 142/2011, eins og henni er breytt með þessari reglugerð. Í þessari reglugerð ætti að kveða á um 12 mánaða umbreytingartímabil.
- 10) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Ákvæðum I., IX., X., XI. og XIV. viðauka við reglugerð (ESB) nr. 142/2011 er breytt í samræmi við viðaukann við þessa reglugerð.

2. gr.

Rekstraraðilum sem eru samþykktir eða skráðir í aðildarríki sem beitir landsráðstöfunum við vinnslu á skordýrasaur er heimilt að beita þeim landsráðstöfunum áfram við setningu skordýrasaurs á markað innan viðkomandi aðildarríkis til 8. nóvember 2022.

⁽³⁾ „Scientific Opinion on a Risk profile related to production and consumption of insects as food and feed“, *Tíðindi Matvælaöryggisstofnunar Evrópu* (2015) 13(10), 4257.

3. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 5. nóvember 2021.

Fyrir hönd framkvæmdastjórnarinnar,

Ursula VON DER LEYEN

forseti.

VIÐAUKI

Ákvæðum I., IX., X., XI., og XIV. viðauka við reglugerð (ESB) nr. 142/2011 er breytt sem hér segir:

1) Í I. viðauka er eftirfarandi 61. lið bætt við:

„61 „**skordýrasaur**“: blanda af skít frá öldum skordýrum, æti til föðrunar, hlutum af öldum skordýrum og dauðum eggjum og innihald dauðra alinna skordýra er ekki yfir 5% af rúmmáli og ekki yfir 3% af þyngd.“

2) Í V. kafla IX. viðauka er 2. þætti breytt sem hér segir:

a) Í stað liðar A.1 kemur eftirfarandi:

„1 Hlutaðeigandi aðildarríki (*)

Nota má ferli með loftháðri meyrnun og geymslu á sjálfdaudum svínum og tilteknum öðrum efnum úr svínum og síðan brennslu eða sambrennslu í Frakklandi, á Írlandi, í Lettlandi, Portúgal og Breska konungsríkinu að því er varðar Norður-Írland.

Í kjölfar loftháðrar meyrnunar og geymslu efna skal lögbært yfirvald hlutaðeigandi aðildarríkis tryggja að efnunum sé safnað saman og þeim fargað innan yfirráðasvæðis þess aðildarríkis.

(*) Í samræmi við samninginn um útgöngu Sameinaða konungsríkisins Stóra-Bretlands og Norður-Írlands úr Evrópusambandinu og Kjarnorkubandalagi Evrópu, einkum 4. mgr. 5. gr. bókunarinnar um Írland/Norður-Írland í tengslum við 2. viðauka við þá bókun, innihalda vísanir til aðildarríkja, að því er þennan viðauka varðar, Breska konungsríkið að því er varðar Norður-Írland.“

b) Í stað liða B.1 og B.2 kemur eftirfarandi:

„1 Hlutaðeigandi aðildarríki (*)

Nota má ferli með vatnsrofi og förgun í kjölfarið á Írlandi, Spáni, í Lettlandi, Portúgal og Breska konungsríkinu að því er varðar Norður-Írland.

Að vatnsrofi loknu skal lögbært yfirvald sem veitti leyfið sjá til þess að efnunum sé safnað saman og þeim fargað innan sama aðildarríkis og um getur hér að framan.

2. Upphafsefni

Einungis má nota eftirfarandi efni úr svínum, alifuglum eða öldum nörturum í þessu ferli:

a) Efni í 2. flokki sem um getur í i., ii. og iii. lið f-liðar 9. gr. reglugerðar (EB) nr. 1069/2009.

b) Efni í 3. flokki sem um getur í h-lið 10. gr. þeirrar reglugerðar.

Þessari aðferð skal einungis beitt við förgun á svínum, alifuglum eða öldum nörturum sem koma frá sama búí, að því tilskildu að búíð sæti ekki banni vegna gruns um eða staðfestar uppkomu alvarlegs smitsjúkdóms sem leggst á svín, alifugla eða alda nartara og dýr hafa ekki verið aflífud vegna sjúkdómsvarna.

(*) Í samræmi við samninginn um útgöngu Sameinaða konungsríkisins Stóra-Bretlands og Norður-Írlands úr Evrópusambandinu og Kjarnorkubandalagi Evrópu, einkum 4. mgr. 5. gr. bókunarinnar um Írland/Norður-Írland í tengslum við 2. viðauka við þá bókun, innihalda vísanir til aðildarríkja, að því er þennan viðauka varðar, Breska konungsríkið að því er varðar Norður-Írland.“

3) Í 2. lið í þætti 1.A í II. kafla X. viðauka er eftirfarandi iv. lið bætt við:

„iv. Silkiormur (*Bombyx mori*).“

- 4) Í I. kafla XI. viðauka er 2. þætti breytt sem hér segir:
- a) Í stað fyrirsagnarinnar og inngangслиðarins kemur eftirfarandi:

„2. þáttur

Leðurblökugúanó, skordýrasaur, unninn húsdýraáburður og afleiddar afurðir úr unnum húsdýraáburði

Setning leðurblökugúanós, unnins húsdýraáburðar og afleiddra afurða úr unnum húsdýraáburði á markað skal háð skilyrðunum sem sett eru fram í eftirfarandi a- til e-lið. Ef um er að ræða leðurblökugúanó skal að auki krefjast samþykkis frá viðtökuaðildarríkinu eins og um getur í 1. mgr. 48. gr. reglugerðar (EB) nr. 1069/2009:“

- b) Eftirfarandi f-lið er bætt við:

„f) Setning skordýrasaurs á markað skal háð skilyrðunum sem sett eru fram í a-, b-, d- og e-lið þessa þáttar.“

- 5) Í stað töflu 3 í 11. þætti II. kafla XIV. viðauka kemur eftirfarandi:

„Tafla 3

Innflutningur á ljósmyndunargelatíni

Þriðja land sem er upprunaland	Upprunastöðvar	Viðtökuaðildarríki	Skoðunarstöð á landamærum þar sem afurðirnar koma fyrst inn í Sambandið	Samþykktar verksmiðjur fyrir ljósmyndavörur
Japan	Nitta Gelatin Inc., 2-22 Futamata Yao-City, Osaka 581-0024 Japan Jellie Co. Ltd. 7-1, Wakabayashi 2-Chome, Wakabayashi-ku, Sendai-City; Miyagi, 982 Japan NIPPI Inc. Gelatine Division 1 Yumizawa-Cho Fujinomiya City Shizuoka 18-0073 Japan	Holland	Rotterdam	FujifilmEurope, Oudenstaart 1, 5047 TK Tilburg, Holland (Niðurland)
	Nitta Gelatin Inc., 2-22 Futamata Yao-City, Osaka 581-0024 Japan	Tékkland	Hamburg	FOMA Bohemia, spol. SRO Jana Krušinky 1604 501 04 Hradec Králové, Tékkland
Bandaríkin	Eastman Gelatine Corporation, 227 Washington Street, Peabody, MA, 01960 Bandaríkin Gelita North America, 2445 Port Neal Industrial Road Sergeant Bluff, Iowa, 51054 Bandaríkin			
		Tékkland	Hamburg	FOMA Bohemia spol. SRO Jana Krušinky 1604 501 04 Hradec Králové, Tékkland“